

## UPPGJÖR Á STAÐGREIÐSLU TIL SVEITARFÉLAGA EFTIR ÁLAGNINGU ÚTSVARIS 2019 V/TEKNA 2018

Uppgjörið er byggt á álögðu útsvari og verðbótum á ógreitt útsvar skv. álagningaraskrá, verðbótum á ofgreitt útsvar skv. 8. gr. samkomulags frá 8. júní 1990 og skil á innheimtri staðgreiðslu 01.01.18 – 30.04.19 vegna gjaldársins 2018. Að auki er tekið inn í uppgjörið hluti hvers sveitarfélags vegna kostnaðar við innheimtu skv. 32. gr. laga nr. 45/1987 og uppgjör á hluta Jöfnunarsjóðs sveitarfélaga í útsvari.

Uppgjör vegna hlutdeildar Jöfnunarsjóðs sveitarfélaga af álagningarstofni útsvars skv. lögum nr. 4/1995 með síðari breytingum er tekið inn með uppgjöri útsvars. Hluti Jöfnunarsjóðs er reiknaður af álögðu útsvari og eftirstöðvum útsvars sem er til innheimtu hjá innheimtumönnum ríkissjóðs. Áætlaður hluti Jöfnunarsjóðs í innheimtu upp í eftirstöðvar útsvars að teknu tilliti til áætlaðra skattbreytinga og afskrifta er færður á milli viðskiptareikninga viðkomandi sveitarfélags og sjóðsins. Fjársýsla ríkisins skilar innheimtu upp í eftirstöðvar útsvars, sem er til innheimtu hjá innheimtumanni, óskiptri til viðkomandi sveitarfélags en áætlaður hluti Jöfnunarsjóðsins í þeirri innheimtu er dreginn af skilum á staðgreiðslufé. Endanlegt uppgjör á hluta Jöfnunarsjóðs í innheimtu á eftirstöðvum útsvars vegna gjaldársins 2018 fer síðan fram við uppgjör útsvars á næsta ári. Inn í þetta uppgjör er einnig endanlegt uppgjör á hluta Jöfnunarsjóðsins í eftirstöðvum útsvars vegna gjaldársins 2017.

Hlutdeild Jöfnunarsjóðs í útsvari er 0,77% af álagningastofni útsvars vegna grunnskóla og 0,99% af álagningastofni útsvars vegna málefna fatlaðra.

---

### SKÝRINGAR MEÐ UPPGJÖRI ÚTSVARIS

#### **1. Álagning**

Álagning útsvars hjá hverju sveitarfélagi er samkvæmt álagningaraskrá skattstjóra.

#### **2. Verðbætur á ógreitt útsvar**

Verðbætur á álagt ógreitt útsvar hjá hverju sveitarfélagi eru samkvæmt álagningaraskrá skattstjóra.

#### **3. Til innheimtu hjá gjaldendum**

Eftirstöðvar álagningar útsvars og verðbóta á ógreitt álagt útsvar hjá einstaklingum eru samkvæmt álagningaraskrá skattstjóra og kemur til lækkunar í uppgjöri á staðgreiðslu ársins.

Eftirstöðvar fara til innheimtu hjá innheimtumanni ríkissjóðs. Fjársýsla ríkisins skilar innheimtu á eftirstöðvum útsvars til viðkomandi sveitarfélaga.

#### **4. Verðbætur á ofgreitt útsvar**

Hluti sveitarfélags í verðbótum á ofgreitt útsvar er reiknað út samkvæmt 8. gr. samkomulags frá 8. júní 1990 um uppgjör á staðgreiðslu við álagningu opinberra gjalda.

#### **A Staðgreiðsla samtals**

Liðir 1 – 4 gefa staðgreiðslu sem skila á til sveitarfélagsins áður en hluti Jöfnunarsjóðs sveitarfélaga í útsvari er dreginn frá.

Innheimtukostnaður er reiknaður af þessari fjárhæð.

#### **5. Kostnaðarhluti vegna innheimtu**

Kostnaður sveitarfélaga, 0,5%, við framkvæmd staðgreiðslulaga samkvæmt 32. gr. laga nr. 45/1987 er færður til frádráttar. Kostnaður sveitarfélaga er reiknaður út frá álögdðu útsvari að viðbættum verðbótum á ógreitt útsvar en til frádráttar koma reiknaðar verðbætur á ofgreitt útsvar og eftirstöðvar til innheimtu hjá innheimtumanni.

#### **6. Áður greiddur kostnaður bakfærður**

Áður reiknaður kostnaðarhluti sveitarfélaga samkvæmt lögum nr. 45/1987 er færður til baka. Kostnaðarhluti þessi var reiknaður miðað við hluta sveitarfélaga í innheimtri staðgreiðslu tímabilið 01.01.18 – 31.12.18 og dreginn frá skilum í janúar 2019.

#### **7. Bráðabirgðauppgjör**

Til frádráttar í uppgjörinu koma greiðslur vegna hlutdeildar sveitarfélaga í innheimtri staðgreiðslu tímabilið 01.01.18 – 30.04.19 vegna gjaldársins 2018 samkvæmt skiptingu innheimtuskilakerfisins.

#### **B Uppgjör staðgreiðslu**

Uppgjör á útsvari í staðgreiðslu áður en hluti Jöfnunarsjóðs sveitarfélaga er tekinn inn í uppgjörið.

### **Uppgjör Jöfnunarsjóðs sveitarfélaga**

#### **Grunnskólar, 0,77% af útsvarsstofni**

#### **8. Álagning, hluti Jöfnunarsjóðs sveitarfélaga**

Álagt útsvar hjá hverju sveitarfélagi er samkvæmt álagningarskrá skattstjóra. Hluti Jöfnunarsjóðs er 0,77% af álagningarstofni útsvars vegna grunnskóla og er reiknaður þannig að álagt útsvar hjá hverju sveitarfélagi er margfaldað með hluta Jöfnunarsjóðsins og deilt í með álagningarprösentu útsvars í viðkomandi sveitarfélagi.

#### **9. Til innheimtu hjá gjaldendum, hluti Jöfnunarsjóðs**

Eftirstöðvar álagningar útsvars til innheimtu hjá gjaldendum er skv. álagningarskrá skattstjóra. Hluti Jöfnunarsjóðs er reiknaður 0,77% af eftirstöðvum útsvars hjá hverju sveitarfélagi og deilt í með álagningarprösentu útsvars í viðkomandi sveitarfélagi.

## **10. Hluti í innheimtu eftirstöðva útsvars**

Hluti Jöfnunarsjóðs í áætlaðri innheimtu á eftirstöðvum útsvars, ágúst – desember 2019 er reiknaður þannig að gert er ráð fyrir að álagt útsvar í hverju sveitarfélagi taki breytingum frá skattstofum sem nemi meðaltali skattbreytinga hjá hverju sveitarfélagi undanfarin tvö ár. Eftirstöðvar útsvars til innheimtu eru lækkaðar eða hækkaðar sem nemur áætluðum skattbreytingum og síðan færðar niður um 10% til viðbótar sem eru áætlaðar afskriftir. Eftir standa áætlaðar eftirstöðvar sem talið er að muni innheimtast og er hluti Jöfnunarsjóðs reiknaður af þeim þannig að þær eru margfaldaðar með 0,77% og deilt í með álagningarprósentu útsvars í viðkomandi sveitarfélagi.

## **11. Bakfærður hluti Jöfnunarsjóðs í eftirstöðvum úr álagningu 2018**

Hluti Jöfnunarsjóðs í áætlaðri innheimtu á tímabilinu ágúst – desember 2018 á eftirstöðvum útsvars eftir álagningu 2018 vegna gjaldársins 2017 og færður var í uppgjöri síðasta árs er bakfærður.

## **12. Uppgjör á hluta Jöfnunarsjóðs í eftirstöðvum álagningar 2018**

Hluti Jöfnunarsjóðsins í eftirstöðvum útsvars vegna álagningar 2018 er gerður upp með þeim hætti að reiknaður er hluti sjóðsins í innheimtunni ágúst - desember 2018 og hluti í óinnheimtum eftirstöðvum þann 31.12.18 að teknu tilliti til skattbreytinga og áætlaðra afskrifta.

Reiknaður er hluti Jöfnunarsjóðsins í innheimtunni ágúst – desember þannig að innheimtan er margfölduð með 0,77% og deilt í með álagningarprósentu útsvars í viðkomandi sveitarfélagi.

Reiknaður er hluti Jöfnunarsjóðsins í eftirstöðvum útsvars þann 31.12.18 álögdum 2018 þannig að eftirstöðvar útsvars við álagningu ársins 2018 voru lækkaðar eða hækkaðar sem námu skattbreytingum frá skattstjórum á tímabilinu ágúst – desember á árinu 2018, að viðbættri lækkun vegna innheimtu fyrir sama tímabil. Eftirstöðvarnar í árslok 2018 eru síðan færðar niður um 35% sem áætlað er að séu tapaðar kröfur og verði afskrifaðar. Eftir standa áætlaðar eftirstöðvar sem líklegt er að muni innheimtast. Hluti Jöfnunarsjóðsins er reiknaður af þeim þannig að eftirstöðvarnar eru margfaldaðar með 0,77% og deilt í með álagningarprósentu útsvars hjá hverju sveitarfélagi.

## **Málefni fatlaðra, 0,99% af útsvarsstofni**

### **13. Álagning, hluti Jöfnunarsjóðs sveitarfélaga**

Álagt útsvar hjá hverju sveitarfélagi er samkvæmt álagningarskrá skattstjóra. Hluti Jöfnunarsjóðs er 0,99% af álagningarstofni útsvars vegna málefna fatlaðra og er reiknaður þannig að álagt útsvar hjá hverju sveitarfélagi er margfaldað með hluta Jöfnunarsjóðsins og deilt í með álagningarprósentu útsvars í viðkomandi sveitarfélagi.

### **14. Til innheimtu hjá gjaldendum, hluti Jöfnunarsjóðs**

Eftirstöðvar álagningar útsvars til innheimtu hjá gjaldendum er skv. álagningarskrá skattstjóra. Hluti Jöfnunarsjóðs er reiknaður 0,99% af eftirstöðvum útsvars hjá hverju sveitarfélagi og deilt í með álagningarprósentu útsvars í viðkomandi sveitarfélagi.

### **15. Hluti í innheimtu eftirstöðva útsvars**

Hluti Jöfnunarsjóðs í áætlaðri innheimtu á eftirstöðvum útsvars, ágúst – desember 2019 er reiknaður þannig að gert er ráð fyrir að álagt útsvar í hverju sveitarfélagi taki breytingum frá skattstofum sem nemi meðaltali skattbreytinga hjá hverju sveitarfélagi undanfarin tvö ár. Eftirstöðvar útsvars til innheimtu eru lækkaðar eða hækkaðar sem nemur áætluðum skattbreytingum og síðan færðar niður um 10% til viðbótar sem eru áætlaðar afskriftir. Eftir standa áætlaðar eftirstöðvar sem talið er að muni innheimtast og er hluti Jöfnunarsjóðs reiknaður af þeim þannig að þær eru margfaldaðar með 0,99% og deilt í með álagningarprósentu útsvars í viðkomandi sveitarfélagi.

### **16. Bakfærður hluti Jöfnunarsjóðs í eftirstöðvum úr álagningu 2018**

Hluti Jöfnunarsjóðs í áætlaðri innheimtu á tímabilinu ágúst – desember 2017 á eftirstöðvum útsvars eftir álagningu 2018 vegna gjaldársins 2017 og færður var í uppgjöri síðasta árs er bakfærður.

### **17. Uppgjör á hluta Jöfnunarsjóðs í eftirstöðvum álagningar 2018**

Hluti Jöfnunarsjóðsins í eftirstöðvum útsvars vegna álagningar 2018 er gerður upp með þeim hætti að reiknaður er hluti sjóðsins í innheimtunni ágúst - desember 2018 og hluti í óinnheimtum eftirstöðvum þann 31.12.18 að teknu tilliti til skattbreytinga og áætlaðra afskrifta.

Reiknaður er hluti Jöfnunarsjóðsins í innheimtunni ágúst – desember þannig að innheimtan er margfölduð með 0,99% og deilt í með álagningarprósentu útsvars í viðkomandi sveitarfélagi.

Reiknaður er hluti Jöfnunarsjóðsins í eftirstöðvum útsvars þann 31.12.18 álögdum 2018 þannig að eftirstöðvar útsvars við álagningu ársins 2018 voru lækkaðar eða hækkaðar sem námu skattbreytingum frá skattstjórum á tímabilinu ágúst – desember á árinu 2018, að viðbætti lækkun vegna innheimtu fyrir sama tímabil. Eftirstöðvarnar í árslok 2018 eru síðan færðar niður um 35% sem áætlað er að séu tapaðar kröfur og verði afskrifaðar. Eftir standa áætlaðar eftirstöðvar sem líklegt er að muni innheimtast. Hluti Jöfnunarsjóðsins er reiknaður af þeim þannig að eftirstöðvarnar eru margfaldaðar með 0,99% og deilt í með álagningarprósentu útsvars hjá hverju sveitarfélagi.

### **C Uppgjör á hluta Jöfnunarsjóðs**

Hluti Jöfnunarsjóðs í útsvari sveitarfélagsins.

### **D Niðurstaða uppgjörs**

Staða uppgjörs útsvars þegar hluti Jöfnunarsjóðs sveitarfélaga hefur verið tekinn inn í uppgjörið.

Niðurstaða eftir uppgjörið er að annað hvort hafa sveitarfélög komið út með inneign eða skuld. Sveitarfélög með inneign fá hana greidda út með skilum á staðgreiðslufé 15. september. Hjá þeim sveitarfélögum sem komu út með skuld er skuldin gerð upp með þeim hætti að henni er skipt á fjóra gjalddaga og er dregin af skilum á staðgreiðslufé 15. september, 15. október, 15. nóvember og 15. desember. Inneign Jöfnunarsjóðs sveitarfélaga er greidd til sjóðsins á sömu gjalddögum.

## SKIPTING Á INNHEIMTRI STAÐGREIÐSLU FYRIR ÁLAGNINGU

Innheimtri staðgreiðslu v/gjaldársins er skipt daglega á milli ríkisins og viðkomandi sveitarfélaga skv. ákveðnum forsendum úr staðgreiðslukerfinu og upplýsingum um útsvarsprósentu í hverju sveitarfélagi.

Allri innheimtri staðgreiðslu, áætlunum, dráttarvöxtum og viðurlögum vegna vanskila er skipt innan gjaldársins.

Skiptihlutfallið á milli sveitarfélaga og ríkisins er reiknað út mánaðarlega, þ.e. að kvöldi 2. - 4. hvers mánaðar. Þessu skiptihlutfalli er beitt við skiptingu daglegrar innheimtu fram að næsta endurútreikningi á skiptihlutfallinu.

Skiptihlutfallið er reiknað þannig að fundin eru heildarlaun launamanna í hverju sveitarfélagi samkvæmt skráðum sundurliðunum að viðbættu reiknuðu endurgjaldi af launum einstaklinga af eigin atvinnurekstri, bæði þeirra sem skila mánaðarlega og þeirra sem mega skila einu sinni á ári þ.e. 1/12 af reiknuðum launum ársmanna er bætt við í hvert skipti sem skiptihlutfallið er endurreiknað. Stofn þess er síðan margfaldaður með útsvarsprósentu viðkomandi sveitarfélags og deilt í með skilaskyldri staðgreiðslu landsins alls. Þá fæst hlutdeild sveitarfélagsins í staðgreiðslu landsins alls. Á sama hátt er fundin hlutdeild ríkisins í innheimtri staðgreiðslu hjá hverju sveitarfélagi.

Þegar nýtt skiptihlutfall er reiknað er því beitt á innheimtuna frá áramótum til útreikningsdags og fyrri skipting dregin frá. Ef mismunurinn er jákvæður þá hefur sveitarfélaginu verið greitt of lítið það sem af er árinu. Vangreiðslan er færð sveitarfélaginu til tekna á viðskiptareikning þess hjá Fjársýslu ríkisins v/staðgreiðslu og greidd út á næsta skiladegi. Hins vegar ef mismunurinn er neikvæður, þá hefur sveitarfélaginu verið greitt of mikið í fyrri mánuðum. Ofgreiðslan er þá skuldfærð á viðskiptareikning sveitarfélagsins hjá Fjársýslu ríkisins v/staðgreiðslu og kemur til lækkunar á næsta skiladegi.

Síðasta skiptihlutfall vegna gjaldársins 2018 var reiknað 02. apríl 2019. Var því skiptihlutfalli beitt á innheimtuna til 30. apríl 2019 þegar skráin var lokað vegna álagningarvinnslu.

---

Nánari upplýsingar um uppgjörið veitir Alfreð S. Erlingsson hjá Fjársýslu ríkisins, sími: 545-7500, [alfred.erlingsson@fjs.is](mailto:alfred.erlingsson@fjs.is)